

# **KEDATANGAN JESUS YANG KEDUA**

**M.A. AHMADI**

Diterbitkan oleh  
**PUSTAKA ANSHARULLAH**

Untuk keterangan lebih lanjut sila hubungi :

Kedah	-	Tel: 04-7641814
Johore	-	07-2374601
Singapore	-	02-3448241
Kota Kinabalu	-	088-236075
Sandakan	-	089-210794
Tawau	-	089-770961

Di terbitkan oleh  
PUSTAKA ANSHARULLAH  
Lot 8484, Jalan Nakhoda Kanan,  
68100 Batu Caves,  
Selangor Darul Ehsan.  
Tel: 03-6896715

# KEDATANGAN JESUS YANG KEDUA

Oleh: M.A. AHMADI

Dengan Nama Allah Yang Maha Pengasih  
Maha Penyayang

## PENAFSIRAN KHABAR GHAIB (NUBUATAN)

Nubuatan-nubuatan Kitab-kitab Suci hanya dapat diterangkan oleh mereka yang datang dari Tuhan, sebab semua nubuatan itu biasanya didalam bahasa kiasan dan perumpamaan yang mempunyai erti yang sangat dalam.

Kitab Suci Al Quran merupakan wahyu-wahyu yang diturunkan kepada Muhammad s.a.w., Nabi orang-orang Islam telah menyatakan "Hanya Allah sendiri yang mengetahui tentang hal-hal yang ghaib; dan Dia tidak memberitahu rahsia-rahsiaNya kecuali kepada dia, yang dipilihNya dari antara nabi-nabi Nya". (72:27-28) *Al Quran Terjemahan Mohd Zohdi Fadzli H.A. Terbitan Islam International Publication Ltd. 1989.*

Kitab Bible menyatakan "Yang terutama kamu harus ketahui, ialah bahawa nubuat-nubuat dalam Kitab Suci tidak boleh ditafsirkan menurut kehendak sendiri, sebab tidak pernah nubuat dihasilkan oleh manusia, tetapi oleh dorongan Roh Kudus orang-orang berbicara atas nama Allah". (2 Petrus 1:20-21) *AlKitab Percetakan Lembaga AlKitab Indonesia - Bogor 1970.*

Jesus a.s. sering berbicara dalam bahasa kiasan, sebagai contoh; "Tuhan, izinkanlah aku pergi dahulu menguburkan ayahku". Tetapi Jesus berkata kepadanya "Ikutilah Aku dan biarlah orang-orang mati menguburkan orang-orang mati mereka". (Matius 8:22)

"Akulah pokok anggur yang benar dan BapaKu lah pengusahanya. Setiap ranting padaKu yang tidak berbuah, dipotongNya dan setiap ranting yang berbuah, dibersihkanNya, supaya ia lebih banyak berbuah". (Yahya 15: 1-2)

"Semuanya ini Ku katakan kepadamu dengan kiasan, Akan tiba saatnya Aku tidak lagi berkata-kata kepada mu dengan kiasan, tetapi terus terang memberitahukan Bapa kepadamu". (Yahya 16:25)

## **KEDATANGAN KEDUA - BUKAN CARA SEBENAR**

Dalam keadaan yang sama itu juga kita percaya bahawa nubuatan-nubuatan Jesus, bahawa beliau akan datang untuk kedua kalinya, adalah tidak diertikan secara sebenar tetapi itu adalah kiasan (permisalan) untuk kedatangan Cahaya Tuhan di dunia. Sebagaimana Jesus adalah cahaya untuk zamannya begitu juga akan datang cahaya lain pada zaman kemudian. Sebab persamaan kedua cahaya ini maka seolah-olah cahaya yang sama telah datang kembali.

## **KEDATANGAN ELYAS YANG KEDUA**

Didalam Bible kita mendapati satu contoh yang sama

antara Elyas dan Yahya Pembaptis. Yahya Pembaptis begitu mirip dengan Elyas sehingga kedatangannya diterangkan sebagai kedatangan Elyas sendiri. Kita dapati dalam Bible, bahawa Elyas seperti Yesus telah diangkat juga kelangit hidup-hidup. "Sedang mereka berjalan terus sambil mereka berkata-kata, tiba-tiba datanglah kereta berapi dengan kuda berapi memisahkan keduanya, lalu naiklah Elyas ke sorga dalam angin badai. Ketika Elisa melihat itu maka berteriaklah ia "Bapaku, bapaku! kereta Israel dan orang-orangnya yang berkuda!" Kemudian tidak dilihatnya Elyas lagi. (2 Raja-raja 2:11-12)

Seperti saudara kita orang-orang Kristian, yang mempercayai bahawa Jesus sendiri akan datang kembali, begitu juga orang-orang Yahudi percaya dan masih tetap percaya bahawa Elyas yang sama akan datang kembali sebelum kedatangan Al Masih. "Sesungguhnya Aku akan mengutus nabi Elyas kepadamu menjelang datangnya hari Tuhan yang besar dan dasyat itu". (Maleakhi 4:5)

Pertanyaan ini dikemukakan oleh para murid: Lalu murid-muridnya bertanya kepadaNya "Kalau demikian mengapa ahli-ahli Taurat berkata bahawa Elyas harus datang dahulu?" Jawab Jesus "Memang Elyas akan datang dan memulihkan segala sesuatu dan Aku berkata kepadamu: Elyas sudah datang, tetapi orang tidak mengenal dia, dan memperlakukannya menurut kehendak mereka. Demikian juga Anak Manusia akan menderita oleh mereka". Pada waktu itu mengertilah murid-murid Jesus bahawa Ia berbicara tentang Yahya Pembaptis. (Matius 17: 10-13)

Dan kepada Zakaria dijanjikan seorang anak yang akan

serupa dengan Elyas. Tetapi malaikat itu berkata kepadanya “Jangan takut, hai Zakaria sebab doamu telah dikabulkan dan Elisabet, isterimu, akan melahirkanlah engkau menamai dia Yahya.....Dan ia akan berjalan mendahului Tuhan dalam Roh dan Kuasa Elyas”. (Lukas 1: 13-17)

Dan dalam kata-kata Yesus “Dan jika kamu menerimanya ialah Elyas yang datang itu. Siapa bertelinga hendaklah ia mendengar! (Matius 11-15)

## **AL MASIH YANG KEDUA**

Kalau kita mempelajari dengan teliti nubuatan-nubuatan yang berhubungan dengan kedatangan Yesus kedua kalinya, kita akan memahami bahawa bukan beliau sendiri yang akan datang tetapi seseorang yang seperti beliau. Sebagai contoh Yesus menyatakan : “Aku tidak akan meninggalkan kamu sebagai yatim piatu. Aku akan datang kembali kepada mu. Tinggal sesaat lagi dan dunia tidak akan melihat Aku lagi, tetapi kamu melihat Aku”. (Yahya 14: 18-19)

“Aku berkata kepada mu: Sesungguhnya di antara orang yang hadir di sini ada yang tidak akan mati sebelum mereka melihat kerajaan Allah. (Lukas 9:27)

“Lihat, ia datang dengan awan-awan dan setiap mata akan melihat Dia, juga mereka yang telah menikam dia”. (Wahyu 1: 7)

Kalau ayat-ayat ini dipercayai sebagai keadaan sebenar kemudian kita harus menerima bahawa para murid Jesus dan orang-orang yang zalim terhadap beliau masih tetap hidup ketika Jesus datang kembali. Pemahaman ini sekali-kali tidak betul. (Lihat Yahya 21: 21-23) Apa yang dimaksudkan Jesus ialah bahawa, sebagaimana ketika beliau datang yang melihat bahawa beliau adalah Al Masih hanya orang-orang baik dan suci (iaitu murid-murid beliau), maka begitu juga bila datang Al Masih zaman yang mendatang. Hanya beberapa orang baik juga akan mengenal Al Masih kedua. Kalau Jesus turun dari langit denga asykar Malaikat-Malaikat maka setiap orang akan dapat melihat beliau dan nubuatan bahawa “Dunia tidak akan melihat Aku lagi, tapi kamu akan melihat Aku” tidak mungkin dapat disempurnakan.

Bila Jesus menubuatkan kedatangan yang kedua kalinya, bahkan para murid sendiri tidak memahaminya, dan salah satu dari mereka, Judas, bertanya “Tuhan apakah sebabnya maka Engkau hendak menyatakan diriMu kepada kami, dan bukan kepada dunia?” (Yahya 14:26)

Sebahagian jawapan Jesus kepada pertanyaan ini “Penghibur, ia itu Roh Kudus, yang akan diutus oleh Bapa dalam namaKu, akan mengajar segala sesuatu kepada mu dan akan mengingatkan kamu akan semua yang telah Ku katakan kepadamu”. Yahya 14:26

Disini dengan jelas sekali menyatakan bahawa orang lain yang Tuhan akan kirim atas “namaku” ia itu dia juga akan dipanggil Al Masih, akan datang tetapi akan berlainan dengan Jesus. Juga sebagaimana orang ini akan “membuat kamu ingat semua yang telah aku terangkan kepada kamu”

maka akan terjadi seolah-olah Yesus sendiri telah datang. Ayat ini juga menerangkan kepada kita bahawa bila Penghibur itu akan datang waktu itu para pengikut Yesus akan telah lupa ajaran Yesus yang sebenarnya, kalau tidak mengapa Yesus mengatakan bahawa Penghibur itu akan "Membuat kamu ingat semua hal yang Aku telah terangkan kepada mu". Dalam kenyataan Tuhan selalu mengutus Nabi-Nabi Nya ketika mereka yang mendakwakan diri sebagai pengikut sejati telah merusakkan ajaran yang asli.

Kita juga dapati dalam Bible :

"Apabila mereka menganiyai kamu dalam kota yang satu, larilah ke kota yang lain; kerana aku berkata kepada mu: Sesungguhnya sebelum kamu selesai mengunjungi kota-kota Israel, Anak manusia sudah datang". (Matius 10:23)

Sekarang ajaran Kristian telah jauh melepasi negeri Israel dan telah menyebar keseluruh bahagian dunia. Maka dimana anak manusia itu? Berapa lama lagi harus menunggunya? Bila dia akan datang?

Kita juga tidak boleh mengharapkan Yesus yang sama kerana beliau telah menyempurnakan tugasnya didunia ini sebagaimana beliau berkata kepada Tuhan dengan penuh kecintaan "Aku telah mempermuliakan Engkau dibumi dengan jalan menyelesaikan pekerjaan yang Engkau berikan kepada ku untuk melakukannya". (Yahya 17:4)



## **HAZRAT MIRZA GHULAM AHMAD - AL MASIH YANG DIJANJIKAN**

Hazrat Mirza Ghulam Ahmad dilahirkan di Qadian pada tanggal 13 Februari 1835. Beliau dari keluarga terhormat dan dari kecil lagi beliau telah menumpukan perhatian pada nilai-nilai kerohanian. Mempelajari Al Quran secara mendalam, kecintaan yang luar biasa kepada Nabi Suci Islam s.a.w. dan sentiasa beribadah serta doa yang dawam dengan penuh kekhususan telah menjadi corak kehidupan beliau. Pada tahun 1876, ketika beliau berumur 41 tahun, beliau mulai menerima wahyu bahawa beliau adalah Imam Mahdi untuk zaman ini. Sesudah itu beliau menerima wahyu yang menyatakan bahawa beliau adalah Al Masih Yang Dijanjikan dan beliau sesungguhnya adalah seorang Nabi yang kedatangannya telah dinubuatkan oleh agama-agama besar didunia ini. Beliau menyatakan bahawa semua nubuatan tentang kedatangan Al Masih yang diterangkan oleh Al Quran dan Bible telah sempurna. Dengan cara yang sama seperti Jesus telah menerangkan tentang kedatangan Elyas yang kedua kalinya, Hazrat Mirza Ghulam Ahmad, juga telah mendakwakan bahawa pada diri beliau telah disempurnakan kedatangan Al Masih yang kedua kalinya. Dalam salah sebuah tulisannya beliau menyatakan "Penulis telah diberitahu bahawa dia adalah Pembaharu Zaman ini dan ruhnyanya betul-betul mempunyai persamaan dengan Jesus, Anaknya Mariam, dan bahawa keduanya mempunyai hubungan yang rapat antara satu dengan lainnya dan mempunyai persamaan antara satu dengan lainnya".

“Saya mengumumkan secara terbuka, saya telah diberitahu oleh Tuhan melalui wahyu bahawa Masih Mau’ud (Al Masih yang dijanjikan) yang sejati dan sebenarnya yang juga adalah Imam Mahdi, sebagaimana dinubuatkan oleh Bible, Al Quran Suci dan juga Hadis (Sabda-sabda Nabi Suci s.a.w.) adalah saya sendiri. Saya telah diperintahkan oleh Tuhan untuk memanggil manusia dengan penuh kerendahan dan kelembutan hati kepada Tuhan, Yang merupakan Tuhan yang sebenarnya. Abadi dan tidak dapat berubah, yang memberi kesucian yang Maha Adil. Aku adalah cahaya (nur) di zaman kegelapan ini; Sesiapa yang ikut aku akan diselamatkan dari terjatuh kedalam jurang yang telah disediakan oleh syaitan untuk mereka yang berjalan dalam kegelapan. Aku telah dikirim oleh Tuhan untuk memimpin manusia di dunia kepada Tuhan yang sebenarnya melalui jalan damai dan kasih sayang dan untuk memperbaiki kembali akhlak orang-orang Islam. Tuhan telah melengkapi aku dengan tanda-tanda langit, untuk kepuasan para pencari kebenaran. Dia telah mengerjakan hal-hal yang luar biasa untuk menyokongku; Dia telah membukakan rahsia-rahsia ghaib dan perkara-perkara yang akan datang kepada ku, berdasarkan buku-buku suci, adalah tanda yang benar bagi pendakwaan untuk tugas-tugas Illahi, dan Dia telah menganugerahkan kepada ku ilmu pengetahuan yang asli. Dengan itu jiwa-jiwa yang membenci kepada kebenaran dan suka kegelapan, telah menolak dan menentang aku. Tetapi aku telah mengambil keputusan untuk simpati kepada umat manusia semampu aku melakukannya. Maka dimasa ini simpati yang terbesar adalah untuk orang-orang Kristian ia itu untuk mengalihkan perhatian mereka kepada Tuhan yang sebenarnya, yang bebas dari segala macam kecacatan (noda) seperti dilahirkan; menderita

kematian dan melalui penderitaan. Tuhan yang telah mencipta benda-benda dilangit terlebih awal dalam bentuk pejal (padat) dan bulat, dan dalam hukum alamNya, telah menetapkan pusat dan petunjuk kerohanian bahawa seperti didalam wujudNya ada persatuan dan tidak berarah. Itulah sebabnya kepada segala cekerwala dilangit itu tidak terbentuk segi tiga, seperti misalnya benda-benda yang Tuhan telah mencipta waktu pertama kali ia itu bumi, langit, matahari, bulan, semua bintang-bintang dan elements - semuanya berbentuk bulat, alam yang bulat ini menunjuk kepada satu hal ia itu Kesatuan (unity).

“.....Hal ini dibuat begitu jelas untuk saya melalui wahyu Illahi (wahyu dari Tuhan) bahawa Al Masih, yang kedatangannya diantara orang Islam telah dijanjikan sejak dahulu kala lagi, dan Imam Mahdi yang kedatangannya telah ditentukan oleh Tuhan ketika Islam mengalami keruntuhan dan tersebarnya bermacam-macam kejahatan, dan yang akan dibimbing Tuhan secara langsung, dan yang akan menjemput umat manusia untuk mengambil bagian dari hidangan langit, dan kedatangannya telah diterangkan oleh Nabi Suci saw. 13 abad sebelumnya, adalah aku sendiri. Wahyu dari Tuhan tentang hal ini telah diberikan kepada saya begitu jelasnya dan secara berterusan sehingga sedikit pun tidak ada tempat untuk keraguan. Hal itu telah dipenuhi dengan nubuatan-nubuatan agung yang telah disempurnakan begitu terang seperti terangnya tengah hari. Kekerapan, jumlah dan kekuatan mukjizatnya telah memaksaku untuk yakin terhadapanya dan menentukan yang ini memberi erti bahawa ia adalah kata-kata dari Tuhan yang Maha Esa tidak ada sekutu bagiNya yang kata-kataNya adalah Al Quran Suci...”

“Dengan tujuan untuk mendapatkan keridhaan Nya saya memberitahu kamu semua suatu kenyataan yang sangat penting bahawa Tuhan yang Maha Agung, pada permulaan abad keempat belas in sesudah Nabi Suci saw. telah memilih aku dari sisiNya untuk memenangkan dan menyokong kebenaran Islam”.

## JEMAAT AHMADIYAH

Berdasarkan perintah Tuhan, Hazrat Mirza Ghulam Ahmad telah mendirikan Jemaat Ahmadiyah pada tahun 1889, dan meninggalkan dibelakang beliau murid-murid yang memiliki dedikasi yang tinggi sejumlah hampir setengah juta orang, beliau wafat pada tahun 1908. Misi beliau terus berlanjutan dan Jemaat telah dipimpin oleh Khalifah-Khalifah yang dipilih.

Sewaktu menerangkan misi beliau, Pendiri Jemaat kami telah bersabda “Aku telah di kirim untuk membuktikan bahawa hanya Islamlah satu-satunya agama yang hidup. Dan aku telah diberkati dengan kekuatan-kekuatan rohani yang boleh melemahkan mereka dari pengikut-pengikut agama lain, dan juga mereka dari antara kita yang buta rohani. Aku dapat memperlihatkan kepada setiap penentang bahawa Al Quran adalah mukjizat dari segi pelajarannya, dari segi ilmu pengetahuannya yang cemerlang, dari segi kedalaman dan pandangan yang jauh serta kefasihannya yang sempurna. Ia ratusan kali lebih tinggi dibandingkan dengan mukjizat-mukjizat Musa a.s. dan Isa a.s.”

Pada 22hb Mac 1989 tepat seratus tahun sesudah Hadzrat Masih Mau'ud a.s. mendirikan Jemaat Ahmadiyah Khalifah IV dari Al Masih dan Pemimpin Jemaat Ahmadiyah masa ini, Hazrat Mirza Tahir Ahmad bersabda " . . . suara yang bersendirian dan terpencil ini bangkit dikampung kecil yang tidak dikenal, untuk dunia yang begini luas merupakan suatu hal yang asing, dan hanya telah diterima oleh beberapa orang saja. Yang lainnya banyak yang membangkitkan badai penentangan, sesuatu yang seperti ini jarang sekali disaksikan dalam sejarah umat manusia. Pengikut beliau dianiyai dengan sangat kejam. Mereka dihalang dari kebebasan beragama dan hak asasi kemanusiaan. Bahkan di beberapa negara dibuat undang-undang untuk memberi hukuman yang zalim (keras) hanya disebabkan mereka mengamalkan kepercayaan mereka. Semua sekatan para penentang ini masih juga gagal menghalangi kemajuan Jemaat Ahmadiyah, yang bahkan mendapat kemajuan yang sangat luar biasa dibandingkan sebelumnya. Semua usaha dari orang-orang fanatik baik secara perseorangan, kumpulan-kumpulan atau pemerintahan telah mengalami kegagalan sepenuhnya untuk tujuan menghapuskan Jemaat Ahmadiyah dari permukaan bumi ini. Tuhan telah berdiri disisi hambaNya, Hazrat Mirza Ghulam Ahmad, dan telah menyempurnakan janjiNya seperti yang dinubuatkannya dalam tahun 1898, "Aku akan sampaikan tabligh engkau keseluruh pelosok dunia". Hari ini Jemaat Ahmadiyah telah tersebar di 136 negara dan masih sedang berkembang dengan pesatnya. Baru-baru ini hanya di dalam beberapa bulan telah bi'at (masuk Jemaat) sebanyak lebih dari 270,000 orang.

Dikesempatan yang sangat jarang ini, dengan penuh kerendahan hati dan ikhlas saya menjemput saudara-saudara untuk mempelajari Jemaat Ahmadiyah secara serius (sungguh-sungguh) dan masuk kedalam Jemaat ini. Saya menjadikan Tuhan yang Maha Tahu dan selalu Hadir, sebagai saksi bahwa pesan (amanat) Jemaat Ahmadiyah hanyalah kebenaran. Ini adalah Islam dalam bentuk yang murni (asli). Keselamatan umat manusia tergantung kepada penerimaan agama damai ini. Islam adalah agama yang betul-betul menjauhkan diskriminasi (pebedaan) antara manusia, dan menghancurkan semua tirai (sekatan) bangsa, warna dan kepercayaan yang membahagikan diantara manusia. Islam membebaskan manusia dari tumpukan dosa dan menguatkan hubungan dengan Sang Penciptanya. Inilah satu agama yang sangat mudah dan sangat teratur didalam menghadapi tuntutan dan cabaran dari perubahan dunia. Islam tidak mengizinkan (membenarkan) kekerasan-baik yang berhubungan dengan sosial, politik, ekonomi atau agama.

Islam juga tidak membenarkan kekerasan didalam penyebaran misinya tidak juga memberi keizinan kepada agama-agama lain untuk melakukan hal seperti itu. Keganasan, walaupun untuk tujuan yang paling mulia pun, sangat bertentangan dengan ajaran Islam. Islam mengajar kita, bahwa selagi manusia tidak dapat berdamai dengan dirinya dan dengan saudara-saudara manusia lainnya, selama itu dia tidak akan dapat hidup damai dengan Tuhan. Kepada Islam yang seperti inilah saya menjemput umat manusia”.

Tidak diragukan, jemputan ini adalah suatu pesan yang memberi kehidupan kepada setiap jiwa yang dahagakan kebenaran sejati.